


[www.BibleForChildren.org](http://www.BibleForChildren.org)



ADA 6



Nuhan bonson de jin di. Nuhan  
de tere moo telenni ri. A kelen  
de ma kojoo ke a la waati ro. A  
menda Alla la den do. Alla ka a  
yen ko duukolo ra tɔnan juuya la.  
Moo bee kewali ra juuya foo ka  
a dan natamin.



Wo rɔ, Alla ka a fɔ Nuhan ye ko: «N da  
a lateε ko mɔɔilu bεε ri halaki n bolo, baa  
karagβεleya ra jεnsen ii bolo fɔɔ ka  
duukolo fa. N keto ii bεε ni duukolo  
halakila i ɲɔɔn fε le.»



«Wa jiri numa ninin ka kulunba raben i jere ye.  
I ye a kondɔ ratala ka a ke bonkondɔilu ri, ka  
ban ka a kondɔla ni a kɔkanna beɛ mamun  
tulubɔ fasani la.»



I ye a rabenna na men  
ma, wo le ye nin di. I  
ye a janya ke nunkan  
na keme sawa ri, ka


a kondo ke nunkan na  
biloolu ri, ka a lo ke  
nunkan na bisawa ri.




«I ye dɔnninfen su bɛɛ do  
ta ka a lamara i fɛ kulunba  
kɔndo. Wo ri kɛ balo ri ile ni  
woilu yɛ.»



I ye niimafen su bæ fila fila ladon i fe kulunba kondo,  
ɔɛman ni musoman, sa woilu ri to niimaya ro.




I ye sobo sɛniman su bɛɛ ta i fɛ, a cɛman  
wɔrɔnwula ni a musoman  
wɔrɔnwula. Sobo mɛn sɛniman  
tɛ, i ye wo su bɛɛ fanan ta,  
cɛman kelen ni musoman  
kelen.






Nuhan ni a dencɛilu ni  
a muso ni a dencɛilu  
musoilu, ii bεε donda  
kulunba kɔndo kosa ii  
ri kisi ji dunba ma.





Nuhan sɔɔɔn san kɛmɛ  
wɔɔɔnɔnɔ, wo karo filana tele  
tan ni wɔɔɔnwulana, ji bondon  
mɛn ye duu kɔɔɔ, wo tera ka ji  
bɔn duu kan. Sankolo ji  
bondon fanan da lakara.





Wo rɔ, sanci ba nara duu  
kan. A ka tele binaanin ni  
su binaanin ke, a ma tɛɛ.

Ji yelera ka siyaya kosebe.  
Kulunba fundu ji kan ka wa.



Ji tora yelɛla kojuuya fɔɔ ka koyinke bɛɛ latunun fan  
bɛɛ san kɔrɔ. Fen fen ye duukolo kan, ni a ye a  
niilakilila, wo bɛɛ faara.



Kɔni Alla hankili tora Nuhan do, a ni  
waa ro soboilu ni so kondo  
kolofenilu, menilu tere a kun  
kulunba kondo. Wo ro, Alla ka fono  
lawuli ka a tse duu kan ka ji majii.






Tele binaanin taminda tuma men na, Nuhan ka fɔɔ don da laka, a tun ka men bo kulunba la. Wo ko, a ka kanba do bila ka a korosi ni ji ra dooya duukolo kan.




A karo filana tele muwan ni wɔrɔnwulana sera ka a  
tɛrɛn duu ra ja fewu! Nba, Alla kumara Nuhan fɛ ko:  
«I ye bɔ kulunba kɔndo sisen, i ni i muso  
ni i dencɛilu ni ii musoilu.»



Nuhan ka Alla saraka janin diya do lo ka Allabatala bato kanma. A ka sobo seniman ni kono seniman su be do ta ka Allabatala so ii ro. A ka ii janin Alla saraka janin diya wo kan, ka ii ke buuri ri.





Alla ka a fɔ iko  
ko: «N ye teriya  
men tala ai ye a ni  
ai bonson bɛɛ ni  
niimafen bɛɛ fɔɔ  
habadan, wo tɔɔmasere le  
nin di. N di nincinankan

labɔ san fɛ bandafin  
kɔrɔ. Nincinankan wo  
le n na teriya  
tɔɔmasere le ri, n ye  
teriya men tala  
dununa bɛɛ ye.»






«Tuma tuma, ni  
n ka bandafin  
naden duukolo kun  
na, ni nincinankan  
fanan bora, wo ro, n di  
n hankili bila n na teriya ro,  
n ka men ta ai ni niimafen

su bee ye. N te ji  
siyaya ka a ke ji  
dunba ri butun ka  
niimafen bee  
halaki.»

Alla kumara ka baraka  
don Nuhan ni a dencɛilu rɔ. A ka a  
fɔ ii ye ko: «Ai ye jiri ka siyaya  
duukolo fan bɛɛ rɔ ka a fa. Nba,  
Nuhan dencɛ menilu bɔra a fɛ  
kulunba kɔndo, woilu le tɛrɛ  
Semu ni Hamu ni Jafeti  
ri.»



Nuhan dence sawa le woilu  
ri. Woilu le bonson jensenda  
ka se duukolo fan bεε rɔ. Wo  
rɔ, Kanaan fa le tεε Hamu ri.



Baa, Alla ka dununa mo'oilu kanin  
kosεβε, wo rɔ, a ka a Dence kelen pe  
di, kosa mo'ɔ si wa lemɛniya a ma wo  
kana halaki, kɔni a ri nenemaya  
banbali sɔron.



EFE 2:8,9 Ka a masɔɔɔn ai kisinin Alla la hina le fe  
lemɛniya baraka rɔ. Wo farani te ai le la, Alla la solifen le  
wo ri. Ai la karan tɔnɔ te a ri, wo rɔ mɔɔ si ti se  
a jɛɛ matɔɔla.

YUH 3:16,17 Baa, Alla ka dunuɔa mɔɔilu kanin kosɛbɛ, wo  
rɔ, a ka a Dencɛ kelen pe di, kosa mɔɔ si wa lemɛniya a ma  
wo kana halaki, kɔni a ri penemaya banbali sɔɔɔn. Wo rɔ  
Alla ma a Dencɛ lana ka kiti be dunuɔa kan, kɔni ka a kisi a  
la baraka rɔ.



1 YU 5:11-13 Alla ka sereya men fo, wo le jin: a ka a fo ko a ra penemaya banbali di an ma, ko penemaya wo ye saronna a Dence le fe. Moo men sidini Alla Dence ma, penemaya banbali ye wo tii bolo. Koni moo men sidini te Alla Dence ma, penemaya banbali te wo tii bolo. N ye sebe jin nawala ai ma, ai menilu lemeyani Alla Dence ma, sa ai ri a lon ko penemaya banbali ye ai bolo.



ADA 6 – 10

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: M. Maillot; Tammy S.

Maninka Sankaran Bible (msc) © 2022 Pioneer Bible  
Translators This work is licensed under the Creative  
Commons Attribution ShareAlike 4.0 license  
<https://creativecommons.org/licenses/by-sa/4.0/>

<https://www.bible.com/bible/1555/GEN.1.AKS>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

